

Expediente	2022031043
Asunto	Solicitud de acceso a información pública
Trámite	Resolución de inadmisión

O deputado delegado con competencias en Transparencia, en virtude das competencias delegadas pola Presidencia, dita a seguinte **RESOLUCIÓN**

Que con data 22 de abril de 2022 recibíase a través do modelo normalizado de acceso a información pública a petición realizada por Don _____ en representación da CDAD PROP _____ con CSV _____ co seguinte alcance "*Que tendo a comunidade de propietarios a intención de colocación dun ascensor por fóra da edificación, en terreo que non pertence a mesma e presentado os permisos pertinentes no concello de Bueu, éste nos solicita que identifiquemos ao propietario deste terreo. feitas as consultas a costa e a AXI, estos determinan que non teñen competencias sobre o mesmo. inda así o concello sigue insistindo en que como comunidade temos que identificar ao propietario. pedimos o amparo deste organismo para que nos informe se existe un deslinde administrativo do terreo que amosamos na documentación que se adxunta.*"

A Lei 19/2013, do 9 de decembro, de transparencia, acceso á información pública e bo goberno (LTAIBG), no seu artigo 12.4, regula o dereito de todas as persoas a acceder á información pública, entendida, segundo o artigo 13 da mesma norma, como "os contidos ou documentos, calquera que sexa o seu formato ou soporte, que obren en poder dalgún dos suxeitos incluídos no ámbito de aplicación deste título e que fosen elaborados ou adquiridos no exercicio das súas funcións".

Por tanto, a Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque el mesmo elaborouna ou ben porque a obtivo en exercicio das funcións e competencias que ten encomendadas.

Neste sentido, a Deputación de Pontevedra non é titular e descoñece a persoa física ou xurídica titular do terreo obxecto de petición.

Nesta liña, o Rexistro da Propiedade é a institución do Estado con competencias para a inscrición ou anotación dos actos e contratos e relativos ao dominio e demais dereitos reais sobre bens inmoables. Este rexistro ten entre as súas funcións a de certificación tanto de titularidades actuais como antigas, e tanto respecto a dereitos vixentes como extinguidos, en relación a bens inmoables. Para o acceso ao rexistro deberá acreditar un interese lexítimo para coñecer o estado rexistral da finca.

Coa Resolución Presidencial pola que se aproba a creación da Unidade Responsable de Transparencia da Deputación de Pontevedra. regúlase a súa composición, funcións, réxime xurídico e natureza entre outros, publicada no Boletín Oficial da Provincial de Pontevedra (BOPPO) o 30 outubro de 2020 determínase que a Unidade Responsable de Transparencia da Deputación de Pontevedra constitúese como o órgano colexiado ao que lle corresponde garantir o cumprimento dos requisitos de transparencia e o acceso á información pública na Deputación de Pontevedra, entendendo esta como os contidos ou documentos, calquera que sexa o seu formato ou soporte, que estean en poder da Deputación de Pontevedra e os seus organismos dependentes e que fosen elaborados ou adquiridos no exercicio das súas funcións.

Que entre as funcións encomenda á devandita unidade están a de tramitación das solicitudes de acceso á información, e, no seu caso, das reclamacións que se interpoñan segundo co previsto na Ordenanza de transparencia e acceso á información pública (BOPPO 18/03/2019).

Por todo o exposto, a proposta da Unidade Responsable de Transparencia da Deputación de Pontevedra e en atención ao disposto na Resolución Presidencial nº 2019014186, de 1 de agosto do 2019, de delegación das atribucións da Presidencia, modificada por Resolución Presidencial número 2020003407, de 27 de maio de 2020,

RESOLVO

PRIMEIRO.- INADMITIR a solicitude de acceso a información pública segundo o previsto no artigo 18.1.d) da LTAIBG, ao non dispor a Deputación de Pontevedra a información solicitada.

SEGUNDO.- Ordenar a publicación da presente resolución na sección de Transparencia accesible no portal web institucional www.depo.gal, unha vez anonimizados os datos de carácter persoal da persoa solicitante.

En Pontevedra, na data da súa sinatura electrónica.

Fronte a esta resolución, poderá interpoñerse unha reclamación ante o Consello de Transparencia e Bo Goberno de Galicia, con carácter potestativo e previo á súa impugnación en vía contencioso-administrativa, de acordo co establecido no artigo 24 da Lei 19/2013, do 9 de decembro.

Todo iso sen prexuízo de que poida utilizar calquera outro recurso que estime conveniente.

NOTIFÍQUESE Á CDAD PROP